

LATGALIŠU GAZETA

Doncova Kazaku, Subotu, Jabločku, Korobočku i cytus daņčus

Divejys dīnys 20.-21. febrālī Daugovpiļs nūvoda Kultūrys centrā nūtyka daudzpuoru deju seminars jaunišim i folkorys interesentim.

Anna Briška

Apvuceibu mierkis beja padzili- nuot teoretiskuos i praktiskuos zynuošonys, kas saisteitys ar daudzpuoru deju folkorys sluoņa iz- pratni, kai arī igiut nūdereigys prak- tiskuos imanis. Sovuos zynuo- šonuos i pīredzē dalejuos Latvejis Universitatis deju folkorys kūpys "Dandari" daliniki i vadeituoji – Il- mārs Pumpurs i Dace Circene. Se- minara rezultātā Kolupa i Ambeļu deju kolektivu i folkorys kūpys "Dyrbyni" daliniki īsavuceja gon Bukmuižys i Rikavys kadriļis, kai arī taidus daņčus kai Kazaku, Subotu, Jabločku, Korobočku i cytus.

Seminara laikā sovys prasmis va- rēja pylvneidot arī dažaidus tautys instrumentus spīelejūšī jauniši, so- vulaik tradicionāluos dzīduošonys nūdarbeibys laikā Ilzes Mežnieces vadeibā jau tyka izdzīduotys tyvojūšūs Leldiņu dzismis. Sastdinis vokorā folkorys kūpu daliniki reiko- va daņču vokoru, kurs beja atvārts daņču pratiejim i interesentim.

Folkorys kūpu "Dandari" i "Dyrbyni" i Kolupa i Ambeļu deju



kolektivu sadarbeiba plānuota arī turpmuok, gatavojūtis 2. folkorys deju festivalam "Pa Pēteriem", kurs itūreiz nūtyks Daugovpiļs nūvoda Dubnā i Reigā ituo goda 2.-4. jūli.

Daudzpuoru deju apvuceibys reiko- va Latvejis Universitatis deju folkorys kūpa "Dandari" sadarbeibā ar Daugov- piļs nūvoda Kultūrys centra folkorys kū- pu "Dyrbyni". Seminaru atbaļsteja Vaļsts Kulturkapitāla fonds i Daugov- piļs nūvoda Kultūrys puorvaļde.



La-La-Dra pyrmū reizi izskaniejs arī Rēzeknē

Kūpeibys sajiuta, latgalisks gors i idvasmojūša nūskaņa ir tī atslāgvuordi, kas raksturoj pyrmū reizi Rēzeknē 16. febrālī nūtykušū pasuocīni "La-La-Dra". Literari muzykalais pasuociņš "La-La-Dra" ci "Latgalīts Latgališam Draugs" ir radūša sasatikšonys vī- ta gon jaunajim prozys i dzejis rak- steituojim, gon muzykantim.

Pasuocīni Rēzeknē daleibu jē- me dzejis i prozys raksteituoji Bai- ba, Jurs Viļums, Aigars Jaundžeik- kars, Māriete Krasnobaja, Ilze Vai- vode, Inga Kaļva, Karonhisake, raibiS suņS i muzykanti Rēzeknis piļsātys Kultūrys noma folkorys kūpa "Vīteri", Santa Viša, Laura Kalvāne, Vilnis Dunsķis, Dainis Adijāns i visim Latgolā labi zynomais Da Gunchi.

Cik energiski i ekspresīvi folkorys nūskaņuos aizasuoce pasuociņš, tik draudzeigi cišā i aizkustynūšā nūskaņā ar Da Gun- chi dzismem arī nūsaslēdze. So- vukuort izmontojūt myusu dīnu tehnologieju īspiejis, arī tyukstuša kilometru nabeja šķierslis Raiba- jam Suņam jimt daleibu Rēzeknis "La-La-Dra" i sajimt aplausus, kas apdzynoj kai korsta eleja.

Literari muzykalais pasuociņš "La-La-Dra" ci "Latgalīts Latgali- šam Draugs" da šam beja vīna nu īvārojamouojom bīdreibys "Lat-

golys Studentu centrs" aktivitatem Daugovpiļs pusē jau nu 2005. go- da. Ir skaidrs, ka arī turpmuok Daugovpiļi, Rēzeknē, Reigā un citvīt Latgolā itaids pasuociņš ir perspektivs.

Pasuocīni reikova bīdreiba "Latgolys Studentu centrs" sa- darbeibā ar Rēzeknis Augst-

školys Pedagoģejis fakultatis Studejūšūs pošpuorvaļdi. Pasu- ocīni informatīvi atbaļsteja LaKu- Ga, MadeinLatgola.lv, Vietējā Latgales Avīze, Latgales Radio. Paļdis kofejneicai "Olmāra" par uzjimšonu i grupai "Marchello" par balli pasuociņa nūslāgumā!

"Latgališu Gazu" atbolsta Latgolys regiona atteisteibys agentura i Kulturkapitāla fonds.



EISUOS ZINIS:

● 3. latgalistikys konference

2010. gada oktobrī Ernsta- Morica-Armdta Greifsvāldis uni- versitatē (Vuocejā) nūtyks 3. starptautyskuo latgalistikys kon- ference „Volūdu ekologieja Baļte- jis jūrys regionā: regionaluos volūdys globalizacejis laikūs”. Konference veļteita Fraņča Kempa kulturviesturiskuos skicis „Lat- galieši” symts godim. Gruomotys moto: „Pusmiljona tauta ir tikpat dzīves spējīga kā arī miljons”. Pi- sasacejumus konferencei (pīsa- sacejuma anketu ar referata kūpsavylkumu) prosom atsuteit elektroniski da 2010. goda 1. ma- ja Vairuok skaitit portalā LaKu- Ga.LV

● „Latgolys Vuords” nu Reigys

Latvejis radio 4. programmys raidejums „Latgola” skaņ jaunā lai- kā caturtdiņuos druku piec os- tonim vokorā. Kotru reizi Bronis- lavs sagatavej otkon kaidu jaunu raidejumu – nūsaklaus tīšraidē (vai irokstā portalā LaKuGa.LV).

● Jauna gruomota par Ziemeļlatgolys muzikalū tautys kulturu

10. febrālī Reigā Muzykys Aka- demejā tyka atvārta gruomota – „Anda Beitāne. Vēlinās izcelsmes vokālā daudzbalisiba latviešu tra- dicionālajā mūzikā” ar trejim audiodiskim pīlykumā „Vokālā daudzbalisiba ar augšējo pavad- bāli Ziemeļlatgalē”.

Gruomota ir interesanta ar so- vu akademiskumu i ar latgalisku- mu. Gruomotā var izzynuot daudzī jauna par Latgolys personalejom i par etnografiskajim kolektivim.

● Latgaļu volūdys situace- ja Stortautiskajā dzymtuos volūdys dīnā

Bīdreiba „Latgales tradicionā- lās kultūras centrs „Latgaļu sāta”” 17. febrālī aktualizejuse vaicuoju- mu par latgaļu volūdas apgiušonys stuņdem Latgolys školuos, kū jūprūjom vaļsts nav nūdrūšynovuse. Latvejā nav izvei- duota atbīldeiguo vaļsts instituceja, kuras aizdevums byutu ryupētis par latgaļu volūdys saglobuošonu, aizsardzeibu i atteisteibu, i kas rei- zē byutu latgališu navāļstiskūs or- ganizaceju koordinators. Sarakstē ar vaļsts īstuodem aizlīgts īsnēgt dokumentus latgaļu volūdā.

● Pusnakts Triādis.

Video raidejumi

„Pusnakts Triāžu” karuseļs turpnoj grīztis! Meklejit portala Lakuga.lv sadaļā – „Pusnakts Tri- ādis”.